

5563.7  
8216

v. 1

寄谷集  
卷三

VERDICKY  
LIBRARY  
UNIVERSITY OF  
CALIFORNIA



教中外大小臣僚耆老軍民百官人等書

膺祖宗之重寄每切憂懼之懷肆行盛典

王若曰

喜嗣續之晚生實係邦家之慶庸詒多方

念予忝位以來

燕謀罔效奄及三十之齡

幸占賜簡之吉

私思奉先惟孝

隣趾不蕃恒軫九重之慮

果得完叙之具

大見民情舉有歡欣之色

茲會衆臣

兕未維禔

為人父油然顧復之慈

即定元子之名

國如綴旒

雖有姑徐之言

既惟告禘之禘祀

永在罪辜

斯決早建之計

詎測布城之綸音

上宜寬宥



玄谷鄭公德餘沒踰歲國  
被兵所著詩文無慮千餘  
篇蕩佚於鋒焰其孤善興  
摭拾散亡經十數年得詩  
四百餘首雜著若干首將



以八梓屬序於余觀其意  
若有不豫者蓋為其少也

嗟乎凡物之貴珍以其美

不以多寡海外殊邦珠玉

之玩大不過盈握而天下



之人奔走而求之以得一  
寓目為幸至於被服食物  
無不皆然况於詩文之精  
者乎韓子稱樊宗師著述  
至多古未嘗有也而其後



乃湮滅不傳孟襄陽絕調  
逸響以獨得為宗只微雲  
淡河漢跡而滴梧桐一聯  
當與天壤俱收果安在多  
寡哉玄谷鄭公少積學為



文自結髮操毫遺辭便已  
精緻謹嚴不作流宕語弱  
齡登第蜚聲翰苑睥睨上  
下一往無前遂拔禍於羣  
壬屏居楊江上游自放於



耕釣時則踈庵任茂叔澤  
堂李汝固俱以詞壇迄美  
見忤於時議投閒歛跡卜  
等於一舍之內落々如晨  
星之泣曜每遇良辰令節



拏舟策衛相衆倡訓一時  
文酒之勝足以蔭映千古  
則三士之目起矣

聖人旣作龍攄豹變湖堂之  
選儉幕之需輿望所屬莫



獎之京以至玉署銀臺飛  
騰遷擢綰金章而殿邦畿  
公之以文學致用既如是  
而遺文之在世者必傳於  
後無疑則公之終始榮名



不可謂不遇者矣公長余  
一歲通家幼相善方年少  
氣邁而不相讓到今觀之  
其為父祭韓久庵及序樂  
民樓答拔帖要絕去塵齋



態色假令作者白首佔畢  
烏能易以至是哉於是益  
歎公秋業夙就有不可及  
矣公有文且有子能片之  
述事不怠而垂不朽以無



負執手之托傳所謂既沒  
而其言立庶其在此乎時  
癸寅歲臘月望東州山人

李敏求子時序



學論卷之四

論學之要

論學之要

論學之要



觀察使谷口鄭公墓誌銘

谷口鄭公德餘既歿之明歲其家人以墓文屬植  
且曰此夫子平日所嘗言則未也公生四歲後余  
余又宿病早喪公固嘗以余後事自期余亦以此  
望於公即家人之聞也殆是言乎嗟乎悲哉公既  
深知植而有是言植獨安得默然於此乎謹按公  
諱百昌本晉州人五世祖陟始以文學起家官至  
修文殿大學士高祖諱誠謹燕山朝官至永旨遇  
害曾祖諱舟臣以承文博士殉家難以殛事皆具



國乘祖諱元麟選補光陵叅奉早卒追贈吏

曹參判父孝成前任同知中樞府事公清道觀察

使妣南陽洪氏贈議政府舍人行信川郡守義

弼之女鄭氏篤於家行承旨公至同樞公皆以孝

節旋門其家冠昏喪祭皆以古禮從事子孫傳受

不替公幼習家訓器度夙成而尤以文章風節著

名年十餘舉業已就十八發解三場連捷遂升生

進兩舍至文科會試亦在高等考官鄭叅判協認

其文嫌其早達故黜之公終身感其意俄丁內艱



服闋登辛亥文科選承文院正字薦為承政院注  
書藝文館檢閱春秋館記事官兼史筆踰年書法  
不隱語頗洩為奸黨所忌未幾癸丑禍作光海命  
史官考出神德王后故事意有所調而李爾瞻  
知館事意氣恣恣其所考出多旁及又欲盡抄芳  
頤處置事以為殺永昌証案公餽筆不書曰上命  
不至此也爾瞻色怒而不能難公仍引疾解職是  
後長秋錮門時事大變公慷慨悲憤累形於言由  
是羣奸側目必欲置之死地臺彈凡三發止削奪

官職公即退居揚根大灘上以山水文籍自娛時  
逐臣多寄居上游而疎菴任君為名論首與公最  
善往來無間乃有造為飛語三士八賢之目欲媒  
孽而起禍者戊午春廢論決同樞公以不察臺章  
方論以遠竄而並舉公為罪先是公舅氏洪君茂  
績坐上疏攻廢論竄絕島外舅柳川韓公以七臣  
黜配中道凡欲中傷公者皆謂公從吏其間公之  
危蓋岌岌矣或勸公且閉門省事公笑曰吾儕只  
談風月如此而不免命也奈何于時士夫之鉤黨



逼禍者多外比於柳朴以求全柳希亮素與士類  
相厚人謂之清戚里公獨絕不與交其後希亮果  
以連結凶徒敗辛酉後黨禁稍解諸賢或放歸自  
便而公獨傲然無變意家食屢空處之晏如癸亥  
聖明反正以禮曹佐郎還朝歷兵曹佐郎知製

教擢司諫院獻納朝野想聞風采而柳川公方以  
國舅尊重公頗以自嫌辭不就然公議不以是左  
公曰此乃柳川家翰林非西平家獻納後屢為獻  
納弘文館修撰校理選湖堂賜暇公既不得每辭

慨然以激揚振肅自任凡所舉正不避權貴士論多歸美而不悅者亦衆乙丑春將行世子冠冊禮上命極擇宮僚公由校理陞弼善銓法至堂五品官當銓郎薦以陞弼善為屈而論者乃謂公以戚屬得陞亟請鑄改上不許公累辭乃就職禮成例得賞資而只陞司僕寺正仍兼輔德遷應教司憲府執義有賤孽以譏察上變錄勲封君溪暴橫閭里公首論其罪竄之都中稱快後屢為執義司諫議政府舍人論議益峻凡昏朝倖臣僭飾



之寅緣復進者舉皆論斥不已 上亦疑其已甚  
而或加責適職自是仇怨益多異論者爭欲攻摘  
以為名公亦不樂言地屢就閑秩自成均典籍至  
司成皆其所踐歷也丙寅以遠接使從事官僨迎  
姜王而使華人見其容儀嘖嘖曰中朝翰林樣子  
也是秋中文臣重試第二名始進階通政兼承文  
院副提調仍帶湖堂又以前任編修官叅修光海  
日記 特加修撰官一員以兼之修史如故皆文  
翰重選也拜刑曹叅議遷承政院同副承旨丁卯

胡變承 命陪 慈殿先入江都賊退後同列多  
陞秩而不及於公 特遷吏曹叅議論者又攻其  
特授近嫌公即辭免屢為承旨兵曹叅議叅知禮  
曹叅議司諫院大司諫復拜吏曹叅議目爭注擬  
非人忤長官 特旨罷免久之拜副提學以面斥  
臺官世累被劾辭遞後為承旨乙亥進拜都承旨  
會 追崇祔廟禮成準賞典進階嘉善拜刑曹叅  
判俄遷兵曹出為京畿觀察使巡歷西道州縣遇  
有異味嘉卉則輒使獻于同樞公仍謁 光陵宿



奉先寺期以翌日還京昏夜無恙及朝卒是八月  
二十二日也壽四十八上震悼別賜棺槨斂具  
命本道護喪十一月十三日己未葬于廣州治西  
先隴側穴直亥嗟呼吾人雖不戒於酒而公自健  
碩無疾顏貌尚韶豈料一朝奄忽如此哉公天稟  
英秀美姿容嫻於禮法出入百僚間雖倉卒未嘗  
失儀記性無人博通古今經籍典故名物無不諳  
悉其為文章溫雅精密尤善古詩絕去浮詞累語  
粹然自成一家資性剛介疾惡如仇其視凡俗若

將浼已平生非第一義不談非第一流不交常思  
保合士類格君匡世使上下一出於中正故尤不  
喜色目偏黨之論以此孤立無助數為浮議所困  
每舉戚里之嫌以把持之吁亦甚矣然公之出處  
大節官序遭逢昭灼人耳目而當代賢士大夫憐  
公之才志而惜公之早世者猶且不少後日必有  
能明其心迹者矣嗚呼悲哉公有二男一女男曰  
善興善弘女壻進士金震標公詩文散逸不收又  
佚於兵火今尚有五六卷其能不朽公者亦將在



於斯乎銘曰

生人之秀 王國之彥行自世薦名用文擅時乎  
可卷釣石滄浪道之將泰金馬玉堂志何多尼命  
何不長龍泉絕鐸寶樹埋黠銘以報公惟以叙悲

崇禎九年 月 日

嘉義大夫吏曹叅判兼守弘文館大提學藝文  
館大提學知成均館事同知 經筵春秋館事  
德水李植撰

貞夫人西原韓氏墓誌

嗚呼吾友故觀察使鄭公百昌德餘既之明年  
 丙子金兵猝至貞夫人西原韓氏從子女避入江  
 都丁丑正月江都陷時山城已送款虜約不犯王  
 族朝士家屬夫人以仁烈王后親姊即入保嬪  
 宮勢在必免及被驅還京上人憫慮其言不讐而  
 近於辱又念舅氏巡察公方病在床義不忍違去  
 得全以其月二十五日自盡于行宮之西樓閣門  
 同死者十數人子善興得脫收奉遺體以其年十  
 月二十二日丙辰祔于公墓屬余誌焉嗚呼公家



世篤忠孝錄節表閭相望公直已行世常有履正  
不渝之志幸其先沒弗蹈斯難而夫人舍命自靖  
旌楔比擲於公為有光朱何恨焉嗚呼夫人孝友  
敬順文以禮法絕去婦人妬惠之行鄭氏家教甚  
峻公資性元邁難於承事而夫人謹密一無迂拂  
公不事治生而好文酒會客其在放廢貧窶特甚  
而夫人竭誠供具愁苦不形于色及有祿位聯官  
掖榮悴豐約懸殊而夫人不自喜益服女事弗懈  
公甚宜之故平生不置姬妾即夫人才淑素蘊可

知矣夫人生萬曆戊子八月二十二日得壽五十  
有二男一女男長即善興次善弘女適進士金震  
標從夫人死之其世系余已誌諸公藏故此不載  
銘曰

有資有訓宜其家室無險無夷壹其誠節婉婉貞  
魄共被玄宅靈祚昭昭配公祠食百世在後彤管  
有琳

崇禎十三年 月 日德水李植撰



玄谷詩集卷之一

五言絕句

銀臺有蘇學士光震手栽山杏感而成詠

姍姍庭前樹開花近玉墀故人今不見春色去年  
枝

將作湖南行朴馨叔蓮韓泰而亨吉沈潤甫

演携壺來餞各賦絕句以贐之乘醉和韻

萱草一尊酒去留多少悲秋風易搖落何處是佳

期

將南遊夜訪金君晦以鏡不遇醉後留題

訪君君不來獨有盈尊酒酌罷月西傾宿鴉散庭柳

九日登高口占

落日山河壯秋風故國悲登臨不用酒九月有新詩

又用朴老韻

十里香山路騎牛帶醉來可憐花下月催我舉深

盃



醉後口號

落日步江渚烟波生旅愁無端別京洛又送一年

秋

二十

立春日祝歲貼陋止

濁酒醉三椀新詩吟一篇無災為上福有食是豐  
年

天啓壬戌七月既望與疎菴任叔英茂叔澤  
堂李植汝固峽裡諸友泛舟楊江用前赤壁  
賦字作雜體詩五十首得字凡二百八十有

言集卷一  
九餘在他錄

秋風吹萬壑月明江水流懷人目窈窕桂棹橫蘭舟

蘇仙赤壁遊壬戌今又周千秋不盡興與客登孤舟

酌盡一樽酒卟樽空長歌今者如不樂其如逝者何

飄飄長風吹浩浩滄波逝所懷終不來徘徊倚幽桂



月出江水明長空洗白露物色不可孤蘇仙有遺  
賦

千秋無白也何人飲月下中流望長空飄如接羽  
駕

茫茫天地間變化成一瞬孟德與周郎逝者今皆  
盡

舉杯屬明月曾與蘇仙遇我輩亦風流何如橫槊  
賦

為問西江水盈盈長自流不知千世下何人更清

遊

美人不可望蒼茫江海間  
獨立無所寄明月生東  
山

風光逝如此露白幽蘭泣  
怨懷人不知中江駕一  
葉

人生在世間卒卒長為客  
不如飲美酒江山自取  
適

月色飲江渚天風更飄飄  
何人擊桂棹憑虛吹洞

簫



寄  
白月東山來清光千萬里徘徊有所懷望望將安

非  
洗盞臨江水月盈星斗稀人生各為樂漁樵無是

玄谷詩集卷之一



玄谷詩集卷之一



玄谷文集卷之一

雜著

領議政李元翼呈辭不允 批答

王若曰引退句閑連章六七願留求助申誥再三  
豈元老果於忘時固寡躬昧於圖治或因誠心之  
漸薄遂致禮貌之寢衰惟卿望實俱孚精力尚壯  
溫裕之器足以扶顛而持危直方之材足以獻可  
而替否中國知司馬之相外夷問彥博之年予欲  
識朝臣之賢邪以卿為鏡予欲辨時政之輕重以

卿為衡方茲仰成遽爾謝病顧慙涼德縱難與之  
有為永念洪基奚忍棄而弗構與其脫去軒冕獨  
善全名孰若優遊廟堂先憂後樂益勵晚節式遏  
遐心所辭宜不允故茲教示想宜知悉

教奮忠貲謨立紀明倫靖杜功臣嘉義大  
夫工曹參判沈命世書

王若曰蓋聞功高者賞鉅業茂者報崇是以漢宣  
中興霍張定策唐明再造鍾劉贊謨俱能勦鼎彝  
之銘載旂常之績茲循舊軌式舉新儀惟卿志氣



英豪風神俊邁。威連豪貴。而守淡泊儒雅之操。身  
居畎畝。而抱縱橫經濟之才。人推典刑之尚存。衆  
知公侯之必復。夙遭險釁。久罹多難。憤世嫉邪。忘  
寢與食。動心忍性。移孝於忠。痛否運之遘屯。愍巨  
猾之竊柄。傷恩賊義。君臣視如仇讐。敗度亂常。禮  
法化為夷狄。習成太甲桐宮。無密邇之營。証及宣  
仁。長樂有幽憂之辱。寶命不可以中絕。神羗不可  
以下移。顧慙寡躬。猥荅輿望。幸賴一二同德。有啓  
自天。得使四七洪基。不墜于地。卿為肺腑。予托股

肱密勿謀猷。懔澹風雲之會。經營草昧。激昂塵埃之中。周旋則內外洞疑。糾合則豪傑協力。入北軍以一號。奉東朝以再臨。乾坤廓而日月明。紀綱張而彝倫叙。夷兇靖亂。既著社稷之勞。剖符圖形。更申山河之誓。肆策勲為靖社功臣一等云云。至可領也。元勲峻秩。亞卿隆名。積善降祥。活千人必有封者。餘烈垂裕。歷十世猶當宥之。於戲。佚樂易危。富貴難處。毋忘在莒。固深戒於凋水。益篤安劉。庶永保乎盤石。故茲教示。想宜知悉。



教竭誠奮威出氣効力振武功臣崇祿大夫  
行平安道兵馬水軍節度使副元帥宜春君  
南以興書

王若曰危疑之際貞節乃彰板蕩之中奇功始著  
是故干戈衛社臣子所以急難茅土疏封國家所  
以懋賞茲遵舊軌聿舉新章惟卿學劒而恥一人  
敵投筆而慕萬里侯神樞妙筭有禦侮制勝之略  
膂力拳勇有夷險靖亂之材始發跡於行間遂策  
名於閭外屢典大邑威惠并行荐歷雄藩緩急足

恃頃嘗采薇之役益厲畏葸之心強虜臨江方深  
南牧之警烈士棄障暫紓西顧之憂何圖射日之  
兇忽搆滔天之逆顧念慚德自致亂階蘇峻之發  
歷陽事易蹉跌桓玄之至姑孰衆自驚疑竟招犯  
闕之灾遂罹離宮之厄國倚上將扞我于艱卿主  
中權敵王所懷忠義之氣足以激厲單羸雄傑之  
風足以帽服狂獠光顏披甲而上馬太真洒泣而  
登舟惟其夷險一心深明逆順是以跋涉千里力  
辨存亡時有屈伸蓄銳俱發功無先後叶力同征



地利勝而入謀和軍聲壯而主威振克奏河陽之捷邦人重新迄成郿塢之誅廟貌如故忘身徇國既勒鍾鼎之銘紀績疇庸更申山河之誓肆策勲為振武功臣一等云云至可領也丹青繪像竹帛垂名崇班峻秩官居一品之尊文燾高牙位亞元戎之次於戲惟謙恭可以處富貴惟義烈可以保始終瘡痍甫平豈暫忘於在宮凶奴未滅尚益勉於吞胡故茲教示想宜知悉

教京畿觀察使洪寶書

王若曰。畫野分州。方岳為重。承流宣化。旬服是先。  
茲輟摠管之班。用畀巡察之任。惟卿氣完而材敏。  
心和而貌豐。首擢魁科。望實俱著。歷典大邑。威惠  
並行。頃因田里之愁。忽致潢池之變。敵王所愾。疇  
能補天之傾。捍我于艱。遂克不日而定。功名垂於  
竹帛。勞勩載於旂常。搢紳之所推譽。朝廷之所倚  
仗。遇膳饗輔。寔衛京師。創殘餓羸。經六七載。撫摩  
保理。賴一二臣交承之間。安危攸繫。欲責後效。顧  
安得斯人哉。將多前功。誠無踰於卿者。茲授卿云。



云惟忠勤可以報國。惟平易可以近民。若賈琮之  
褰帷百城。震悚若范滂之攬轡一路。澄清至於治  
法。征謀惟在相時度勢。官通訓而專斷。罪大辟則  
稟裁於戲職。搃十連分憂。甚大權領四使受委。非  
輕往。即乃工毋違予命。故茲教示。想宜知悉。

教平安道觀察使金時讓書

王若曰。蓋聞執干戈則有社稷之衛。聽鼙鼓則興  
將帥之思。領四使以建壇肆。軫腹心之寄。搃十連  
而設屏庸。輟喉舌之班。惟卿氣宇宏沉。風猷倜儻。

神樞妙筭，抱禦侮敵愾之材，利器盤根，徇急病攘夷之義。兼吉甫之文武，敦邵轂之詩書，在先朝而擢儒科，歷昏時而全素履。當經綸締構之日，感風雲際會之期，佐選東銓，藻鑑明允，承流南服，聲教弘宣。既望實之俱優，又勤勞之茂著。頃自鷄林而報政，遂入鳳池，而代言拔萃，超羣識，褒李於座上，職親地密，得頗牧於禁中。睠彼一路，箕封寔是三韓，藩蔽控引，夷夏士馬精強，表裡山河，關防鞏固。但茲邊圉之失律，致令犬羊而乘機，屠陷我城池。



係累我民吏天不悔禍何可折箠以答之國未忘  
難疇能請纓而往者姑用羈縻之策益深薪膽之  
羞荼毒創殘亂離瘼矣師旅飢饉荊棘生焉扶顛  
持危誰與共事救焚拯溺要在得人屬此授鉞之  
辰莫重推轂之任三年宣化賦原隰之獨賢二品  
加恩詢廟堂之僉舉茲授卿云云惟智勇可以制  
敵惟慈祥可以保民治法征謀悶瘡痍之溢目吊  
孤恤寡宜撫字之勞心繕甲峙糧綢繆陰雨平徭  
薄歛招集流亡矧督府策應多端而體臣周防是

文集卷一  
賴緩急利害務存商量。措施弛張固合容度。罪重  
辟稟予以斷官。通訓惟卿所裁。於戲大燾高牙。管  
北門之鎖鑰。輕裘緩帶。握西塞之韜鈴。采殫報國  
之誠。尚勉吞胡之志。故茲教示。想宜知悉。

教公清道觀察使李安訥書

王若曰。蓋聞四岳九牧。虞夏弘謨。八命十連。湯武  
盛典。惟其承流而宣化。是以任重而責專。茲輟正  
卿之班。庸畀方面之寄。光膺旌鉞。寵中絲綸。惟卿  
宇量宏深。神猷峻偉。家傳清儉。人稱將相之門。學



貫經書衆推風騷之匠文章乃其餘事忠孝為之  
本源自策名於儒科即蜚英於藝苑難進易退顯  
晦隨時利器盤根夷險盡節或參戎幕府而雄略  
受闕帥之知或佐儉皇華而傑句起王人之敬應  
機尊俎折東夷之奸規勵操冰霜遺北民之深愛  
燥濕寵辱終始一誠出入周旋首尾二紀在先朝  
而蒙獎擢歷昏時而全令名逮乎春官之簡除實  
惟更化之初政曖昧遘禍人欲置之深文明允察  
情予乃斷以薄過俄詢黃閣之議遂洗丹書之寃

保障江都。緩急是恃。鎖鑰關嶺。聲威訖宣。掄專對  
以上聞。既協望實。奉異典以下頒。又懋勤勞。特超  
宗伯之隆階。進兼崇文之顯秩。遭逢無間。於早晚  
內外。詎分於重輕。瞻彼湖海之邦。寔是京輦之衛。  
關津交錯。控二南之要衝。民物澆漓。徇百濟之陋  
習。粵自屢經變故。仍之荐罹凶荒。官有逋租。徵歛  
日急。民無恒產。桴鼓時鳴。屬茲分憂之辰。莫難受  
委之任。觀風察俗。顧安得斯人哉。起敝蘇殘。誠無  
踰於卿者。肆軫宵衣之念。式屈畫錦之行。茲授卿



云云惟慈祥可以近民惟愷悌可以處已瘡痍溢  
目利害宜存乎商量撫字勞心施措合勤於咨度  
若夫褰帷攬轡糾緝奸貪至於詰戎峙糧綢繆陰  
雨官通訓以專斷罪大辟則稟裁予豈多言卿可  
少試於戲由三階之卿月作一路之福星報政將  
以公歸卧治徒得君重魏公鄉里豈無棠梓之榮  
召伯山川佇聞蔽芾之頌故茲教示想宜知悉

正朝百官賀箋

天啓四年甲子

撥難反正永膺鴻圖獻歲發春新編鳳曆乾坤開

闢日月光華恭惟運啓中興業成下武齊七政而  
建極鼎值申休歛五福而錫民恒存寅畏茲當令  
節聿迓純禧伏念叨際昌辰共荷 洪造履端更  
始快覩巍巍之功握符闡珍難名蕩蕩之德

冊封謝恩表

天啓五年乙丑

溫綸誕布方深感厲之衷縟典克完益荷生成之  
德舞蹈拜賜頂踵歸恩伏念臣頃遭多艱猥塞羣  
望塵延隆緒幸承庥於 祖先叨攝敝藩敢請命  
於 父母寔賴明見萬里乃蒙特降二星 鳳詔



鸞書頒寶札之渙汗。璠函玉檢。紆寵賚之便藩。矧  
茲龍袞之九章。並與翟榆而三錫。何階報答。徒積  
兢惶。茲蓋伏遇如日照臨。體天覆。盡博施濟衆惠。  
洽華夷。推亡固存。功參化育。遂令鰥域。曲被鴻私。  
臣敢不祇奉皇靈。恪守俠度。紫極高遠。彌堅北  
拱之忱。滄海茫洋。永霑東漸之澤。

方物表

錫封青杜。誕荷天恩。展禮彤闈。敢執壤奠。右件物  
等。產自僻遠。品非珍奇。豈合享上之儀。只出由中

之烟

冬至表 天啓五年乙丑

玉曆授時日行南至瑤圖衍慶星拱北辰百祿是  
道一陽初復欽惟剴健首出睿智足臨妙化神功  
齊七政而立極深仁厚澤歛五福而錫民茲當添  
線之期式撫熙績之運伏念猥荷 洪造叨纘遺  
基執壤奠而駿奔心懸魏闕申華祝以鰲抃跡阻  
藩邦

方物表



一陽生地氣應黃鍾萬國朝大歡騰紫闕右件物  
等產自荒僻品非珍奇但充惟正之供豈曰多儀  
之享

大殿誕日百官賀箋乙丑

千一應期聿回虹流之節億兆願戴誕應川至之  
休勤植均歡飛潛胥悅恭惟離明乾健鼎革屯亨  
正名叙倫敦五教以立極厚生利用謹三事以出  
治茲當彌月之辰益延齊天之壽伏念叨叅鸞列  
猥被鴻私蹈舞昌辰既罄禋封之祝贊襄

程

德更進唐臣之箴

脞節表崇禎一年己巳

千一應期聿回虹流之慶億兆願戴載近川至之  
休百祿是宜四方來賀欽惟資挺上脞運啓中興  
盛德神功圉動植於咸若深仁厚澤贊化育而無  
私茲當統電之辰益篤自天之祐伏念恪守侯度  
祇奉皇靈跡滯東藩雖阻虎拜之列心懸止闕  
倍殫鰲抃之誠

方物表



受天之祿載臨彌月之辰任土所宜庸展旅庭之  
獻右件物等名般不腆製造非精聊神芹曝之忱  
豈合筐篚之實

東宮冬至賀箋已巳

律中黃鍾一陽初復星拱紫極三階泰平雲物騰  
輝山河獻瑞恭惟億兆願戴五百應期盡裁成輔  
相之宜所其無逸察盈虛消息之理足以有為茲  
當日至之辰聿回電統之節伏念忝陪儲位恭奉  
簡辭問寢鷄鳴殫微誠於子職在庭虎拜仰神化

於父臨

冊立皇太子進賀表

崇禎三年庚午

一人有慶，聿開震索之祥。萬世無疆，庸發巽申之號。謳歌所屬，蹈舞攸均。欽惟業懋，中興資於上聖。深惟繼嗣之重，早建元良。永念付畀之難，亟定大計。增光鴻烈，祇翼燕謀。伏念猥沐皇靈，恪守侯度。嵩呼華祝，跡縱阻於鵷班。海潤星暉，誠倍切於鰲抃。

方物表



儲闡闡慶寰海交忻。藩服修誠率普同。贊右件物  
等名般不腆。製造非精庸表由中之悃。豈合享上  
之禮。

千秋箋 崇禎四年辛未

離明繼曜位既正於前星。震夙疑休節載回於彌  
月。謳歌所屬蹈舞惟均。恭惟性稟洵齊。姿挺岐嶷。  
問寢視膳孝盡因心。主鬯承祧德孚延頸。猗蘭頌  
於漢殿。綿瓞詠於周詩。伏念猥被 皇靈叨守。弊  
服臚傳。鶴禁未陪。鷄鷺之班。福協龜疇。遙獻岡陵。

之祝

方物表

乙日屆候載回彌月之期甲觀徵祥恭修執壤之  
禮右件物等鯁岑薄產鰲海輕齋聊表獻芹之誠  
豈合苞茅之貢

大殿誕日百官賀箋

辛未

日升月恒誕啓泰亨之運星流電繞聿回震風之  
辰喜溢臣隣歡均動植恭惟資挺上聖業懋中興  
千一應期齊七政而建極億兆願戴欽五福而錫



民百祿是道萬物咸覩伏念俱以庸品叨際昌時  
蹈舞旰庭既釐克封之祝贊襄盛德更進唐臣之  
箴

千秋箋  
崇禎六年癸酉

位正震宮咸仰重暉之慶祥開甲觀載回彌月之  
期如日方升與天齊久恭惟性根仁孝望協元良  
習禮誦詩謳歌歸於萬國視膳問寢愛敬盡於三  
朝茲當令辰益膺純嘏伏念叨守敝服獲際昌時  
沾少海之餘波阻陪百辟拱前星之末照遙獻千

齡

方物箋

貳極正位誕膺天命之休四海歸心敢執壤奠之  
禮右件物等偏方賤產遠道輕齎是惟因於土宜  
豈曰稱於庭實

降勅謝恩表

涓埃效茂方懷愧懼之衷海岳恩深誕降絲綸之  
諭徽榮若隕席寵如驚伏念猥沐洪庥叨守敝服  
敵王所愾薪膽敢忘於同仇與賊為隣羈縻寤痛



於異類何圖。逆豎之假息。欲投叛虜而遊魂。獻馘  
揅喉。徒切鷹鷂之志。羸糧坐甲。迄稽鯨鯢之誅。未  
助薄伐之威。反荷溫音之獎。鸞騰鳳翥。擎寶札之  
昭回。瑞錦精鏐。蒙錫賚之優渥。曷堪頂戴。祇積兢  
惶。伏遇緯武經文。盛德大業。輯寧遐邇。干戈省躬。  
甄錄細微。衣裳在笥。曲垂隆眷。覃及罔功。敢不憑  
仁。皇靈奉揚。休命勗力。思報庶不渝於初心。  
雪恥除克。尚無墜於晚節。

方物表

微臣罔功猥承 恩勅敝邑不腆恭伸謝忱右件  
物等品非珍奇產從荒僻豈合充庭之享聊展執  
壤之儀

擬漢蕭何謝自追韓信表

丙寅中重試製

國士道亡方深詐追之懼 聖德天覆忽蒙寬假之  
恩跡蹈淵冰身沾雨露伏念臣祿吏賤品刀筆微  
才感激風雲初起沛澤經營草昧從八函關將布  
大義於域中永建鴻基於馬上新封僻遠半割巴  
蜀之邦舊約蕭條全負懷王之信霸業西徙誰願



與子同仇壯士東歸爭欲棄予如遺深恐大衆一  
散無以認定萬方顧惟袴下少年實合師中元吉  
發跡行伍有禦侮制勝之材許身驅馳有夷寇靖  
亂之志蛟龍難容於尺水治粟非任鸞鳳不桺於  
寸枝專閫足仗勁翮截海豈待腹背之資巨棟承  
樑寧數侏儒之用殆天授也匪人力焉屬茲急才  
之辰乃有失人之歎智存擇木始則杖劍而來志  
遠征茅終焉躡屩以去亦欲東耳捨此其誰安能  
久乎無可與計不及以聞事實出於蒼黃自出而

追罪反涉於逋慢不待三宿之遠纔過一日而還  
將信將疑恭俟重譴且喜且怒亟垂洪庥已荷天  
地之仁視臣手足復幸干城之將為王爪牙并鉞  
參旗竒看一戎而定折箠傳檄何煩九伐之勞介  
冑飾威山河增重茲蓋伏遇大王三章約法一怒  
安民大度有容招亡納叛寬仁善恕任賢授能遂  
令踈蹤亦被優渥臣敢不捐軀是力報國為心收  
律令圖書敢言先見之智給餽餉糧道庶免後期  
之誅



通明殿上樑文

伏以王京左界類宮西區當烈祖之定都始陳圭  
集遠神孫之考室遂隆堂基擁龍蟠虎踞之形展  
翬飛鳥革之制規天矩地受眷命於三靈發號出  
治傳寶曆於萬世四方之所共仰百辟之所同朝  
賢聖相承既鞏且固否泰迭運或盛而衰屬茲創  
新實惟仍舊恭惟我主上殿下功成下武德洽  
右文茅茨土階體至仁於堯典惡衣菲食遵克儉  
於禹謨一念淵冰十載宵旰頃因權移之遽未免

過陋之譏忍恥色羞虞憂方軫於衛爰舉羸時屈  
板築奚暇於楚丘然而庶民子來望吾王之無疾  
經始勿亟欣法闕之有成侈麗不可以更臨瘡痍  
不可以重困木石瓦磚撤彼移此塗墍撲斲雇役  
僦工遂用心上之經綸忽見眼前之突兀回廊複  
閣斯苟有而苟完左掖右垣寔肯堂而肯構上下  
同樂孰知興作之勤奢儉得宜足見規模之美茲  
厯吉日將舉修梁恭恭鸛鷖之班敢申燕雀之賀  
兒郎偉拋梁東日出扶桑瑞旭紅眼眉蓬萊無咫尺



尺五雲來繞大明宮兒郎偉拋梁西遼塞兵銷太  
白低手決銀河重洗甲封關不用一九泥兒郎偉  
拋梁南滄溟波息睨恩覃大貝明珠爭執驢崔嵬  
銅柱掃烟嵐兒郎偉拋梁北匈奴遠遁空沙漠關  
河萬里靜無塵更遣書生重勒石兒郎偉拋梁上  
玉盤高出仙人掌聖主中宵挹顥英天門夜闢黃  
金榜兒郎偉拋梁下萬靈擁佑扶宗社天垂嘉瑞  
已豐年地產奇祥方極化伏願上梁之後躬躬樂  
豫洪祚靈長本支致瓜瓞之綿邦家措盤石之固

細檀廣厦顧神養性之便宿儒名師問道求治之  
盛薰琴解溫八路悉被於仁風衢尊錫恩萬姓咸  
囿於壽域

大君新宮上標文即今上潛邸

蓋上棟下宇易著大壯之文鳥革翬飛詩播斯干  
之詠所以陳圭置集體乾坤之方圓鑒戶䟽櫺順  
溫涼以開闔茲吉人之爰處乃君子之攸寧恭惟  
大君閣下性稟寬和資挺岐嶷鴻明符采升白日  
於扶桑駿厲風猷注黃河於酸棗金枝毓秀玉頤



增敷六禮定祥妙選名閥百堵卜吉旁搜勝區賸  
茲駱洞新基寔惟鳳樓舊址山川清淑周流磅礴  
而扶輿里閭繁華雜遝縱橫而填溢懿德卓行棹  
楔交輝鼎食鍾鳴豪傑間出相爾陰陽之正擇其  
形勢之尊定宿方中農時少隙於是釐般倭梓匠  
之技鳩摠耒耜之材羸屈得宜雇役而出自內  
帑豐約合度省費而不煩外司遂創心上之經綸  
忽起眼前之突兀飛欄複閣接雲氣於蓬萊繡栢  
璇題拱星躔於閭闔楚元敬客非無置醴之筵沛

獻好書卽有講易之榻二山詞賦攀桂樹而蜚英  
五王樓臺聯棟萼而敦德傳之孫傳之子肯搆肯  
堂歌於斯哭於斯苟完苟美經始勿亟馨鼓弗勝  
簡良辰而庀徒抗脩梁而考室肆陳善頌庸相歡  
謠兒卽偉拋梁東曉鼓鑿鑿瑞旭紅寶馬雕鞍矜  
意氣鷄鳴問寢大明宮兒卽偉拋梁南寵錫便蕃  
脛渥罩翠釜玉盤分御醞和風永日倚微酣兒卽  
偉拋梁西咫尺瑤池路不迷王母仙桃貪結子瓊  
漿玉屑一時齋兒卽偉拋梁北穹廬遠遁空沙漠



太平宗邸無餘事更覺居家為善樂兒郎偉拋梁  
上北辰居所前星朗國風冲融邁虞唐王道無私  
自蕩蕩兒郎偉拋梁下曳裾紛紛集鄒馬枕中鴻  
寶不須論所貴河間存大雅伏願上標之後邦家  
樂康公族昌熾燕雀騰賀巢帟幕而無虞熊羆効  
徵美璋瓦而有慶盡東平之孝友崇北海之謙恭  
厚地高天綿寶曆於億載細氈廣厦庇寒士於萬  
間

賀柳川先生壽日啓

天回甲子屬素蓬之令辰。月直戊申。迓松椿之遐  
曆。萬劫朝暮。千歲春秋。恭惟石麟應標。玉虎啓瑞。  
氣采鴻明。昇白日於咸池。風猷駿厲。注黃河於砥  
柱。宏材極文武之望。厚器兼將相之資。安危兩朝。  
夷險壹節。行路加額。期登八翼之階。流言惑恥。遽  
授三至之杼。濬翁遷放。玄髮不衰。坡叟槁枯。丹心  
未折。當孟陬之初度。值大荒之重還。寶耀宵光。德  
星會於朱陸。霽雲晨合。台躔引於紫垣。俾爾壽而  
熾昌。既耆既艾。觀我生而進退。時止時行。伏念栖



遑楚狂倚着秦贅南山申祝莫偕絳縣老人北海  
添籌敢替青州從事

樂民樓序

樓在咸興第歲柳川公按關北  
故喪日口號今通判尹侑之疾書

乾象玄著緯星辰而流形地載扶輿畫州野而分  
紀惟其清淑磅礴之會是以盱蠓醞釀而成睠茲  
坤隈寔惟天府翔五龍而中峙左右蓬壺戴六鰲  
而高蟠咫尺瀛丈風氣乃神仙之界地理即天海  
之交成川發於甲山千里襟帶白岳連於青塞萬  
重髻鬟麗朝舊疆遙省宣德之鎮睭祖潛邸近接

擊毬之塲信義帝王之居肇基神武之業岐陽松栢周家鳳鳴之墟沛澤風雲漢國龍興之地土俗厚而人民殖物華繁而府庫盈是用既豫且康迺崇以泰羅崖繡麓桂殿迢迢玉池珠淵蘭宮隱隱鴻麗耀日聞韶仙景之樓雉堞連空宜月南華之觀至若延賓之傑構莫如樂民之名區風月長閑擅一邦之佳麗昇平多暇窮百年之歡娛而盛衰之無期抑廢興之有數慘灰燼於往日運值覆隍儼輪奐於前基功存衛國豈徒事乎遊衍因以壯



夫隄防前簷後楹洞八窓而延景上千下櫓據重  
險而制勝拓舊增規張巡察之事業揭新作記申  
學士之文章觀其複道流丹層閣結翠秦皇餘石  
級鴈齒而為階漢武舊陶疊魚鱗而作瓦挹河漢  
而清淺廣壓東溟挽星斗而昭回危橫北極滕王  
高閣臨帝子之長洲蜀帥飛欄帶徐侯之曲浦卧  
龍浸水千步長橋飛鳳凌雲百尺高棟遙岑與崇  
墉齊矗平湖共巨壑俱深江連黑龍涵萬碧而東  
注嶺迤黃草點千黛而南馳攬秀色於簷軒雲屏

洗雨落澄光於樽俎。水鏡涵天。人事無常。感歡戚之異狀。天時迭運。覺寒暑之殊情。若乃咏芝逸人。賦梅公子。悅熙陽之駘蕩。集勝宇而嬉遊。岸樹舒黃柳。縈絲而飛絮。渚草抽綠。蘭茁芽而飄香。覲宇宙於一杯。溲斟淺酌。閱山河於萬劫。逸興幽懷。又如澤畔。纍臣嶺外。遷客撫孤蹤而興慨。憑遠望而銷憂。水落江空。寒波遡而流悵。葉脫林瘦。冷雨淒而侵愁。指帝闕於雲間。山川途遠。望鄉關於日下。舟楫路窮。惟我使相。閣下八座高班。兩朝宿望。材



優制閩曾秉西府之旌旄任重登壇暫煩北門之  
鎖鑰行已清霜烈日化人甘雨和風去玉壘之瘡  
痍赤子置腹來雪山而輕重黑戎勞顏於是虎帳  
無虞狼烟熄警營閑細柳晝永三春政洽甘棠秋  
高九月爰卜勝日乃命重雲佳賓盡文武之英珍  
錯窮海陸之旨妖姿艷態燕歌楚舞之姬寶徽鷗  
絃趙瑟秦缶之樂瓊詞唱咽響盡花鳥之濱鐵笛  
流哀聲落松原之浦乃展清眺騁遐神据中天而  
遙臨凌平霄而徙倚扶桑若薺斜瞰浴日之池驚

陵如萍直對騰雲之窟瞻鴈塞而橫契度內強胡  
俯馬邑而鳴弓足底驕虜山深海濶圍八表於寸  
眸地迫天高齊萬化於一指嗚呼時流事往物換  
星移江漢滔滔幾多興喪乾坤納納今古英雄嗟  
景良辰咸雨散而雲解勝筵高會盡薰歇而烟沉  
自其變而觀之天地一瞬蓋不朽者文也贈炙子  
秋暮雨寒楓傳逸句於東海落霞孤鷺留勝詠於  
南昌百昌樣不宜時癖惟好古有意吐鳳非太乙  
之燃藜無夢懷蛟愧長庚之織錦鳳吟龍定何



用半世畫虎而不成平生慨慷抱江海之壯志暮  
年牢落作關山之遠征鐵硯未穿賦春葩而登席  
銅花欲蝕仗秋霜而臨邊憑仲宣之楚樓情同去  
國授相如之梁簡詞劣遊園茲掇靡文以記偉事  
人非錦心繡口地則三山十洲陵壑雖遷尚傳蘭  
亭之會城池未變庶留金谷之名



教寧國原從功臣書

順治三年八月十七日奉旨洪璟奏奉傳旨

效力王家

紀切盟府

愛生腹心

危迫呼吸

從由元勳

無非多助

以酬其忠

咸與是賞

勞雖異於大小愛尊旧章自予臨臨以後

施罔遺於重輕用錫新命不幸禍乱相仍

放逞異圖於萬一渠魁已伏於典刑秉機致捕

寔賴同德之三千衆庶咸快於鼓舞秉義殲凶

綏有潢池之孽嗟我卿士大夫無貴賤而必錄

並就繁街之誅暨茲吏胥臺隸有等級而不差

茲頒原從之券宥及子孫既秉近世之澤故茲教示

玄谷文集卷之一勉盡終始毋替報國之誠想宜知悉

乃在宗封之餘



教字社功臣書

崇禎元年九月十習左副承旨俞伯魯敬奉

傳

竭忠匪躬事君之恆務

爰稽旧章

且於近節

覃恩旌伐有國之令猷

載揚新命

敬奉勅諭

刻日為期免謀潛煽於內

幸發告之在先

勲庸是賴

謂天可謝禍機將迫於宗祊

而誅討之斯舉

慶賞奚淹

既定元功昭我丹青之信

肆於實封之餘

盟府所掌

因推大賚念爾奔之之勞

復錄原從之列

王家不忘

訖頒分等之書

故茲教示

式垂永世之宥

想宜悉



